




耕錄天

5
3
1



明 4 曾 5
子
1

報耕報教

朱^カ友^ト王^ノ名^ヲ陶^ノ君^ノ如^ク朱

君^ノ如^ク朱^ノ君^ノ如^ク朱^ノ君^ノ如^ク朱

君^ノ如^ク朱^ノ君^ノ如^ク朱^ノ君^ノ如^ク朱

君^ノ如^ク朱^ノ君^ノ如^ク朱^ノ君^ノ如^ク朱



隱^レ時^ト輟^テ耕^ル以^テ休^ル于^レ林^ニ
陰^ニ抱^テ膝^ヲ而^シ嘯^シ鼓^ヲ篋^ニ而^シ
歌^フ以^テ事^ス者^ハ聲^ニ振^ル
采^ヲ志^シ之^ヲ以^テ貯^ル之^ヲ以^テ破^ル之^ヲ卷^ニ
去^ル則^チ埋^ム于^レ林^ニ根^ニ合^ス

隱^ル者^ハ如^ク是^ノ志^ヲ十^ニ載^ス遂^ニ
累^テ其^ヲ至^ル十^ニ以^テ如^ク一^ニ日^ノ如^ク
昔^ニ及^テ其^ノ死^ス得^ル以^テ入^ル少^ニ子^ノ
葬^ス与^テ報^ス之^ヲ以^テ凡^ク如^ク子^ノ
孫^ト六^ニ十^ニ以^テ見^ル題^ス曰^ク南

村 綴 耕 録 二 直 六 經
百 丈 三 旨 下 極 稱 旨 小
あ 三 陸 昔 三 取 未 陸 考
三 三 取 未 陸 考 三 採 撫
三 三 博 備 子 白 帳 研 事 取
ヨリモ カク

三 精 粹 於 世 象 注
三 後 抑 揚 有 傳 之 概 考 三
田 補 陸 生 考 三 美 為 中 考 三
考 子 考 三 三 動 考 三 考 割
考 考 考 三 明 考 似 考

授の覚テ与ツク成ツク善シ唐シ宗
以タ来タもシ門カ中ニあリまシる所
来テ護ラ德ヲ階ニ周ニ室ニ之ノ花ノ影ヲ
あリまシる所有ル不レ得ル縁ヲ縁ヲ
而シ後ニ去リまシる所にテ極ニ出テ子ヲ談ス

嘆シ以テ求ム取ル取ル手ヲ信ス是ニ志シ也ヤ
如キ来ル之ノ必ズ宗ニ係ル少ク上ニ系ス
子ノ業ニ成ルのノ事ヲあリまシる所
園ノ左ニ著ス心ヲ出ス此ノ甚ニ一ニ也ヤ
至リ正ニ而シ牛ニ反シ有ル月ノ江ノ

陰孫作大釋序

[Faint bleed-through text from the reverse side of the page]

南村先生傳

先生名宗儀字九成姓陶氏其先由閩之

長溪徙永嘉陶山再徙台之黃巖黃巖之

族二曰赤山曰陶夏陶夏諱泰和者宋皇

祐裏溪巡檢也復徙湫水是謂先生之始

祖曾太父居安太府寺簿太父應雷太學
錄父煜贈承事郎福建江西等處行樞密
院都事先生冲襟粹質灑然不凡少舉進
士第一宗中即棄去務古學無所不窺出
游浙東西師潞國張公翦永嘉李孝光京

北杜本問文章為事故其繩檢家法過人
遠甚尤刺志字學工舅氏趙集賢雍蒙筆
家甚貧抵湫教授弟子遇人無險夷佞直
一接以誠平居寡言笑至論古今人物十
下數千年竟曰來倦至正間浙帥泰不華

壽

南臺御史丑閭辟舉行人校官皆不就未
幾太尉淮東張士誠開閩姑蘇數郡之士
畢至其部帥議以軍諮屈先生亦謝不從
入職方洪武辛亥詔取天下士癸丑令
守令舉人才又以病免或謂讓之曰黃金

白壁重利也駟馬高蓋榮勢也天下之士
孰不靡然向風而子矯若是先生漢曰
捧檄而喜所以為親祿不逮養適增悲耳
況今賢良輩出州莽之臣老死太平幸莫
大矣踰分之榮其敢觀乎藝圃一區果蔬

著積度給賓祭而已餘悉種菊栽接漑壅
 身自為之間遇勝日引觴獨酌歌所自為
 詩撫掌大噱人莫測也先生崎嶇離亂幾
 二十年喪葬祭禮備盡其力人以孝稱由
 避兵家_テ松城_ヲ之北_ニ泗水_ノ之南_ニ諸生_ヲ買地_ヲ結

廬遂居以老晚益閉門著書世所共傳說
 郭一百卷輟耕錄三十卷書史會要九卷
 四書備遺二卷其未脫藁者不與焉贊曰
 古云雖無老成人尚有典刑老成邈矣得
 覓典刑者斯可矣憶予幼侍先君子采宋

故實至走杭之遺老年八九十者錄而傳
 為言極必流涕太息曠四十餘年必無其
 人久矣不自意文獻之微猶有_下如輟耕錄
 者在然不百年吾恐未_レ知是書之為寶也
 使知為寶則南村心術之微雖無余言有

弗傳耶

江陰孫作撰

皇族列拜

內八府宰相

云都赤

大漢

貴由赤

昔寶赤

第二卷

聖聰

隆師重道

受佛戒

減御膳

聖儉

后德南

端本堂

徵聘

治天下匠

以官為氏

受孔子戒

不食死

染髭

殺虎張

御史舉薦

切諫

丁祭

高學士

太黃愈疾

置臺憲

內御史署御

令史

臺字

詔西番

五刑

錢幣

巴而思

善諫

使交趾

刻名印

國璽

宣文閣

占驗

權臣擅政

懷孟蛙

賊臣攝祭

叛黨告遷地

土人作掾

蕭先生

端厚

弓字

第三卷

正統辯

貞烈

岳鄂王

木乃伊

第四卷

發宋陵寢

相術

前輩謙讓

不苟取

論詩

賢妻致貴

奇遇

賢烈

挽文丞相詩

禱雨

廣寒秋

無恙

不亂附妾

第五卷

角端

劈正斧

興隆笙

尚食麵磨

僧有口才

鄧中齋

汪水雲

厚德

毀前朝玉璽

披秉歌訣

三教

授時曆法

功布

人中

發燭

嫁故人女

平反

勘釘

碑志書法

雕刻精絕

題跋

隆友道

朱張

交誼

假宅以死

清風堂屍迹

坐右銘

掘墳賊

廉介

甲午節氣

先輩謙讓

雙竹杖

第六卷

蘭亭集刻

楔帖考

喪師衰經

法帖譜系

評帖

淳化祖石刻

家翁

奴才

沙魘

孝行

廉使長厚

私第延賓

句曲山房熟水

吾竹房先生

抗疏諫伐宋

髮臚

鬼賊

居士

官奴

寶晉齋研山圖

衛夫人

親家

梵嫂

房老

第七卷

趙魏公書畫

金鰲山

委羽山

斛銘

孝感

火失刺把都

屈戌

回回石頭

黃巢地藏

鴛衾

奚奴溫酒

掛牌延客

買宅有識

待士

雇僕役

志異

課馬

客作

鹹杭子

鷹背狗

官制資品

奎章政要

義奴

忠倡

志恠

粥爵

還金絕交

画鬼

第八卷

寫山水訣

鄧山房

狗站

五馬入門

隱逸

關節梯媒

利市

志苗

雙硯堂

嫁妾猶處子

聶碧窻詩

玉腴

蟹斷

作今樂府法

岷江綠

溫墩

飛雲渡

漢子

長年

龍見嘉興

星八月

軍中禮士

不耐煩

阿誰

第九卷

文章宗旨

麻荅把曆

續演雅發揮

面花子

奇疾

磨兜韃

葛大哥

萬柳堂

樹鳴

松江官號

割執

題屏謝客

婚啓

陶母碑

許文懿先生

謠言

獸醫

想肉

王眉交

錢塘

漱芳亭

食品有名

火災

落水蘭亭

陰府辯詞

詩法

姓名考

女諫買印

吳江塔顛箭

素領

第十卷

御史五常

官倉入粟

食物相反

先輩諧謔

馬判

字訓

丘真人

南池鼃

鴈子

趁辦官錢

鼎作牛鳴

麀糟

越民考

三姑六婆

不中用

國字

水畜

纏足

溺水不躍

鎮陽

輓各論三卦

烏蚤戶

重臺

日子

第十一卷

寫像訣

相地理

狎娼遭毒

夢

白醉

賢母辭拾遺鈔

女奴義烈

龍廣寒

夜航船

不快

雷雪

分疏

西皮

煖屋

鬼室

牙郎

墓屍如生

枯井有毒

賢孝

事物異名

金鏡刺肉

杭人遭難

承天閣

阿瘡瘡

海運

夫婦死孝

猪妖

第十二卷

園池記

厠籌

拘花

連枝秀

卻鞭

奉母避難

匠官仁慈

著衣喫飯

文章政事

浙江潮候

貞烈墓

特健藥

乞求

張道人

陰德延壽

帝師

第十三卷

中書鬼案

烏寶傳

綠窻遺藁

為將嗜殺

釋怨結姻

杜荀鶴詩

太公

剛介

發墓

第十四卷

忠烈

瘞鶴銘

風入松

四卦

點鬼錄

房中術

婦女日娘

古刻

上頭入月

人腊

張翰林詩

第十五卷

淳化閣帖

幽園

煮豆帖

妓妾守節

與妓下火文

賀人妾得子啓

弔四狀元詩

雞妖

胡烈女

蠹獄

美沁園春

恭敏坊

隱趣

日書三萬字

妓出家

河南王

妖異

塔影入屋

錢唐懷古詞

人命至重

度量宏深

高麗氏守節

寒號蟲

鄧思賢

醫科

第十六卷

陶氏二譜

藥譜

世系

第十七卷

古銅器

石敢當

方頭

七十二

旃檀佛

傳席

歸婦吟

穿耳

了頭

點心

奴婢

慍瓶

天子爭臣

嬉姪

黃金縷

哨遍

花蕊夫人

崔麗人

江浙省地分

改常

第十八卷

敘畫

記宋宮殿

廉察

宣髮

檄書露布

鞞鞢

書手

第十九卷

脈

四司六局

稽古閣

經紀

龐居士

宋朝家法

闌駕上書

錢武肅鐵券

射字法

神人獅子

至元鈔樣

妓聰敏

日無光

松江志異

郡縣君

面不畏寒

第二十卷

納音

化氣

應聘不遇

皇舅墓

真率會

珠簾秀

漢兒字聖旨

碧瀾妾

箕仙咏史

夫婦同棺

宋幼主詩

孔椽史

挽文教授詩

狷潔

鴈書

碑刻印識

九姑玄女課

白翎雀

天下士

第二十一卷

宮闕制度

公宇

喝盞

碧珠示讖

第二十二卷

聖門弟子

黃河源

皇太子署牒

禽戲

虎禍

河南婦死

玉堂嫁妓

數讖

戎顯再生

算命得子

夫婦入道

項節婦

西域奇術

童子屬對

先輩風致

司馬善諫

俞竹心

犬脅生子

第二十三卷

書畫標軸

爐鳴

田夫人

喙

金蓮杯

大佛頭

揚州白菜

譎誕有配

檢田吏

玉鹿盧

猴盜

盜有道

預知改元

醉太平小令

譏省室

造物有報復

鎖鎖

葉氏還金

傅氏死義

武官可笑

鞠獄

聖鐵

鬼爺爺

死護文廟

第二十四卷

結交重氣義

帝廷神獸

勾闌壓

鶉鴒傳書

待士鄙吝

陳公子

漢魏正閏

剛卯

倘儻好義

道士壽函

餽飽方

精塑佛像

繆孝子

趙孝子小令

王義士

木冰

龍湫獻靈

王一山

誤墮龍窟

雞司晨有準

黃道婆

天隕魚

十二生子

劉節婦

歷代醫師

金果

第二十五卷

論秦蜀

院本名目

遁母

天竺觀音

第二十六卷

傳國璽

瑞應泉

疑冢

盧橘

五龍車

伏波將軍

至元鈔料

雕傳

三五戒

酸齋辭世詩

高昌世家

后德

文宗能畫

武當山降筆

箕仙有驗

詩畫題三絕

浙西園苑

吳江長橋

第二十七卷

四位配享封爵

金果

李哥貞烈

劉節婦

病潔

雜劇曲名

唱論

莊蓼塘藏書

買假山

戴氏絕嗣

妓妾守志

譏伯顏太師

譏方士

燕都賦

裋背十二科

厲狄

旗聯

桃符讖

金甲

蘭節婦

忠孝里

胡仲彬聚眾

扶箕詩

第二十八卷

非程文

于闐玉佛

處士門前怯薛

憲僉案判

詩識

丘機山

不孝陷地死

嘲回回

白縣尹詩

廢家子孫詩

樂曲

蕪梅花文

如夢令

黃門

花山賦

爵祿前定

醋鉢兒

棋譜

軍前請法師

凌總管出對

承天寺

義丈夫

解語杯

戲題小像

水仙子

銅錢代著

刑賞失宜

畫家十三科

第二十九卷

紀隆平

降真香

宋二十二帝

字音

許負

李玉溪先生

稱地爲雙

骨咄犀

一門五節

一門三節

黃龍洞

黏接紙縫法

井珠

一錢太守廟

全真教

馬孝子

楊貞婦

窰器

墨

斲琴名手

古琴名

戲語

日家安命法

淮渦神

寄衣

第三十卷

印章制度

銀工

祖孝子

白月園文

金靈馬

髹器

只孫宴服

三教一源圖

銀錠字號

學宮講說

松江之變

果典坐

詩識

書畫樓

物必遇主

鎗金銀法

磨兜堅箴

三笑圖

官制字訛

巾幘考

履舄履考

某某

納真今兀察兀秃其子孫也

拜住忽兒子

敦必乃子

葛木虎今那哈合兒其子孫也

直孛斯

葛忽刺急里恒

察刺罕寧兒

合產今大魯刺其子孫也

哈刺刺歹今博歹阿替其子孫也

收兒拜往忽兒妻生一子

也子兀丑今大兀其子孫也

葛赤渾今阿答里急其子孫也

獠忽真兀秃迭葛

葛不律子

今昔即兀刺其子孫也

笛不斤八刺哈哈

今岳斯斤其子孫也

蒙哥嗜黑顏

聶昆大司

八里丹子

烈祖神元皇帝諱也速該姓奇湫温氏

忽都魯咩聶兒

荅里真

忽魯刺罕

合丹八都兒

木赤太子

掇端幹赤斤

察合台太子

急關八都兒子庶

太宗皇帝

睿宗皇帝

太祖皇帝

兀魯赤太子


果里干太子 即劉堅

拔都王
 撒里荅王
 忙哥帖木兒王
 脫脫蒙哥王
 寧肅王脫
 伯忽王
 月即列王
 也速蒙哥王

肅王寬徹
 札尼列王
 阿魯忽王
 八刺王
 威遠王阿只吉
 帖木兒不花王
 忽察王
 腦忽歹太子
 交王買住韓
 威遠王忽都帖木兒
 赤因帖木兒
 越王禿刺
 南答失里王
 赤兒監藏王
 完者也不干王
 南平王禿魯

合刺旭烈王
 定宗皇帝
 潤端太子
 曲出太子
 哈刺察兒王
 合昔反王
 合丹王
 滅里王

木忽王
 滅里吉反王
 蒙哥都王
 只必帖木兒王
 帖必烈王
 曲列魯王
 昔列門太子
 脫脫王
 海都王
 覲爾赤王
 也速不花王
 亦憐王
 汾陽王別帖木兒
 荆王也速不
 孛羅赤王
 靖遠哈反
 襄寧王阿魯
 襄寧王也速不
 月別台
 沙藍朵兒只



憲宗皇帝

也不干王

也迭兒王

也孫脫王

火你王

脫忽王

班禿王

阿連反王

玉龍答失王

汝寧王察兒

汝寧王忽利台

小薛王

星吉班王

龍王火郎撒

咬住王

火你王

俺都刺王

撒里吉王

衛王完澤

愛牙赤王

忽覩都

次三失其名

郟王胤胤禿

河平王背里吉

兀魯思不花王

拜王晃火帖木兒

嘉王火你忽

蒼沙赤思的玉

辯都

朵兒只 一作都 見真

裕宗皇帝

陽翟王卒

陽翟王禿滿

陽翟王曲春

陽翟王帖木兒赤

顯宗皇帝

梁王松山

泰定皇帝

湘寧王迭里哥兒赤

湘寧王八刺失里

順宗皇帝

六三六其各

恭宗皇帝
也
桑泉只
魏季魯帖查

魏王阿木哥
脫不花王
蠻子王
西靖王阿魯
唐兀台
蒼覓蠻失里王
孛羅王
武宗皇帝
明宗皇帝

世宗皇帝

太平王
雲南王
此幽王
英西王

全上皇帝
寧宗皇帝
皇子愛
買的里八剌
文宗皇帝
皇子阿
燕帖古思太子
太平訥太子
仁宗皇帝
英宗皇帝

世祖皇帝

愛牙赤王

阿不干王

安西王忙哥刺
北幽王那木罕

安西王阿難荅
秦王按檀不花

雲南王忽哥赤

管王也先帖木兒

月魯帖木兒

脫歡不花太子

脫魯太子

不剌王

孛顏帖木兒王

西平王奧魯赤

鎰武王也先帖木兒

也魯的不花王

雲南王老的罕

武靖王彌思班

乞八王

寧王濶濶出

亦只班王

豫王阿納答

鎮南王帖木不花

鎮南王孛羅不花

次五失其名

旭烈兀王

鎮南王脫歡

威順王寬徹不花

忽都魯帖木兒

宣讓王帖木兒不花

阿八哈王

阿不也不干王

亦憐真朵兒只王

八魯兒兒呈

脫脫木兒在

阿魯王

某

靖遠王合贊

某

康王哈兒魯

某

幽王出伯

某

幽王喃忽里

某

魏王孛顏帖木兒

某

完者帖木兒王

某

冀王孛羅

某

鐵木兒脫

某

定王樂木忽兒

阿里不哥王

刺甘失甘王

鎮寧王那

燕大王

撥綽王

薛必烈傑兒王

楚王牙忽都

楚王脫烈鐵木兒

楚王八都兒

燕帖木兒王

速哥帖木兒王

朵羅不花王

末哥王

昌童王

伯帖木兒王

永寧王伯顏木兒

歲都哥王

速不歹王

荆王脫脫木兒

哈魯孫王

齊王合赤溫

濟南王忽魯

荆王也達不堅

雪別台王

某

月魯帖木兒

買間也先

河間王忽察

忽魯歹王

也不干王

八八王

八八刺王

安定王脫歡

允脫恩脫木兒王

合賓帖木兒王

伯塔罕王

淄王擲只哈撒兒

淄川王也昔

安定王朶兒只班

愛哥阿不干王

移相哥王

勢都兒王

脫忽王

齊王八不沙

必烈虎王

黃兀兒王

伯木兒王

齊王龍帖木兒

別兒帖木兒王

濟王哈赤温

濟南王按只吉歹

哈丹

隴王忽刺出

察忽列王

濟南王也里只

忽列虎兒王

吳王木喃子

吳王朶列紐

濟陽王潑皮

阿木魯王

愛牙哈赤王

塔察兒王

鐵木哥斡赤國王

即斡真那顏

斡端王

只不干王

壽王乃蠻台
 也不干王
 兀刺兒吉歹王
 奧速海王
 察刺海王
 孛羅歹王
 西寧王撒魯蠻
 卯罕王
 本伯王
 也只王

廣寧王別里吉台
 即寧魯亥

也速不花王

不只只王

廣陵王瓜都

帖木兒王

乃顏王

脫鐵木兒王


滅里吉歹王

潢察王

抹扎兒王

撒里蠻王

闊闊出王



列聖授受正統

始祖 諱寧端父兒

烈祖神元皇帝 諱也速該姓奇渥溫氏

太祖應天啓運聖武皇帝 諱鐵木真國語曰成吉思

宋開禧二年丙寅十二月即位于斡難河自號可

汗至宋寶慶三年丁亥七月己丑崩于薩里川在

位二十二年壽六十六葬起輦谷

太宗英文皇帝 諱窩闊台

宋紹定二年己丑八月己未即位于忽魯班雪

只至宋淳祐元年辛丑十一月崩于胡蘭山在位

二十三年壽五十六葬起鰲谷 六皇后禿里吉
納臨朝稱制皇后乃馬真氏

睿宗仁聖景襄皇帝 諱施甯

憲宗追謚

定宗簡平皇帝 諱貴由

宋淳祐二年壬寅至乙巳皇后當國丙午七月歸

政即位於答蘭答八思至戊申三月崩於胡眉斜

陽吉兒在位三年壽四十三葬起鰲谷皇太后禿

里吉納復治國事

憲宗桓肅皇帝 諱蒙哥

宋淳祐十一年辛亥六月即位於潤帖兀阿蘭至
宋開慶元年己未七月二十七日癸亥崩於釣魚
山在位九年壽五十

世祖聖德神功文武皇帝 諱忽必烈國語曰薛禪

宋景定元年庚申四月一日戊辰即位於開平建

元中統元至先三十一年甲午正月十九日庚午

崩於紫檀殿在位三十五年壽八十葬起鰲谷

中統四 至元三十一

裕宗文惠明孝皇帝 諱真金

成宗追謚

順宗昭聖衍孝皇帝

諱荅刺麻八刺

武宗追諡

成宗欽明廣孝皇帝

諱鐵木耳耳國語曰完者篤

至光三十一年甲午四月十四日甲午即位于上都改至光三十二為元貞至大德十一年丁未正月八日癸酉崩于玉德殿在位十三年壽四十二葬起輦谷元貞二太德十一

武宗仁惠宣孝皇帝

諱海山國語曰曲律

太德十一年丁未五月十一日甲戌即位于上都十二月詔改太德十二為至大至四年辛亥正月

八日庚辰崩于玉德殿在位四年壽三十一葬起輦谷至大四

仁宗聖文欽孝皇帝

諱愛育黎拔力八達國語曰普顏篤

至大四年辛亥二月十八日庚寅即位于太明殿九月壬子詔改至大五為皇慶至延祐七年庚申正月二十一日辛丑崩于光天宮在位九年壽三十六葬起輦谷皇慶二延祐七

太宗睿聖文孝皇帝

諱碩魯八剌國語曰華堅

延祐七年庚申三月十一日庚寅即位十二月己巳詔改延祐八為至治至二年癸亥八月四日癸

亥遇弒崩于上都途中南坡行幄在位四年壽二十一從葬諸帝陵至治三

顯宗光聖仁孝皇帝諱其刺麻

泰定追謚今出廟

泰定皇帝諱也先帖木兒元封晉王

至治三年癸亥九月四日癸巳即位于上都龍居

河十二月丁亥昭改至治四為泰定至五年戊辰

二月庚申改致和七月十日庚午崩文宗追廢在

位五年壽二十六泰定四泰定伍改致和

文宗即改天曆

明宗翼獻景孝皇帝諱和世剌國語曰念都篤

天曆二年巳巳正月二十八日丙戌即位于和寧

北八月二日太駕次王忽察都六日暴崩不改元

今在位八月壽三十葬起輦谷

文宗聖明元孝皇帝諱脫脫木兒國語曰扎牙篤

致和元年戊辰九月十三日壬申即位于大明殿

改元天曆詔讓太兄明宗明年巳巳五月帝發京

師北迎八月二日丙戌遇於忽察都庚寅明宗暴

崩巳亥復即位于上都至三年庚午五月戊午改

至順至三年壬申八月十二日巳酉崩在位五年

壽二十九葬起輦谷後至元六年庚辰六月丙申以帝謀不軌使明宗飲恨而崩詔撤其廟主天曆二至順三

寧宗沖聖嗣孝皇帝諱懿璘質班

至順三年壬申十月四日庚子即位于大明殿至十一月十六日壬午崩不改元年七歲葬起輦谷今上皇帝御名妥歡帖睦爾

至順四年癸酉六月八日己巳即位于上都十月戊辰改元元統至三年乙亥十一月辛丑改元至七年正月一日改至正元統二至元六

至正今二十六年

氏族

蒙古七十二種

- | | | |
|------|------|-------|
| 阿刺刺 | 扎刺兒歹 | 忽神忙兀歹 |
| 倉吉刺歹 | 晃忽攤 | 永吉列思 |
| 兀魯兀 | 郭兒刺思 | 別刺歹 |
| 怯烈歹 | 秃別歹 | 入魯刺忽 |
| 曲呂律 | 也里吉斤 | 扎刺只刺 |
| 脫里別歹 | 塔塔兒 | 哈答吉 |
| 散兒歹 | 乞要歹 | 列木歹 |

顏不花歹	歹列里養賽	散米兀歹
滅里吉歹	阿大里吉歹	兀羅歹
別帖里歹	蠻歹	也可抹合刺
那顏吉歹	阿塔里吉歹	亦乞列歹
合忒乞歹	木里乞	外兀歹
外抹歹	阿兒刺歹	伯要歹
担古歹	外刺歹	末里乞歹
許大歹	晃兀攤	別速歹
顏不草歹	木温塔歹	忙兀歹
塔塔歹	那顏乞台	阿塔力吉歹

忽神	塔一兒	兀魯歹
撒米歹	滅里吉	阿火里力歹
扎馬兒歹	兀羅羅歹	別帖乞乃蠻歹
荅荅兒歹	也可林合刺	瓮吉歹
木里歹	忙古歹	外秣歹乃
朶里別歹	入憐	察里吉歹
八魯忽歹	哈荅歹	外刺
色日三十一種		
吟刺魯	欽察	唐兀
阿速	秃八	康里

苦里魯

刺乞歹

赤乞歹

畏吾兀

回回

乃蠻歹

阿兒渾

合魯歹

火里刺

撒里哥

秃伯歹

雍古歹

蜜赤思

夯力

苦魯丁

貴赤

匣刺魯

秃魯花

哈刺吉答歹

拙兒察歹

秃魯八歹

火里刺

其木魯

徹兒哥

乞失迷兒

漢人八種

契丹

高麗

女直

竹因歹

木里濶歹

竹温

竹亦歹

渤海 女直同

金人姓氏

完顏漢姓曰王

烏古論曰商

乞石烈曰高

徒單曰杜

女奚烈曰郎

兀顏曰朱

蒲察曰李

顏蓋曰張

温迪罕曰温

石抹曰蕭

奧屯曰曹

李术魯曰魯

移刺曰劉

幹勒曰石

納刺曰康

夾谷曰全

裴滿曰麻

尼忙古曰魚

幹准曰趙

阿典曰雷

阿里侃曰何

温敦曰空

吾魯曰惠

抹頰曰孟

都烈曰強

散答曰駱

呵不哈曰由

烏林荅曰蔡

僕散曰林

木虎曰董

古里甲曰汪

平江南

至元十一年甲戌宋之咸淳十年也秋七月世祖命申書右丞相伯顏總制太軍取宋諭之若曰朕聞曹彬不嗜殺人一舉而定江南汝其體朕心法彬事毋使吾赤子橫罹鋒刃伯顏叩首奉命惟謹既而混一職

方豈非不嗜殺人之驗與

獨松關

明年乙亥春諸郡望風降敗丞相伯顏遣員外郎石夫麟詣闕奏聞世皇喜顧謂侍臣曰朕兵已到江南宋之君臣必知畏恐茲若遣使議和邀索歲幣想無不從者遂勅伯顏按兵乃命禮部尚書廉希賢侍郎嚴忠範計議官宋德秀秘書丞柴紫芝等齎奉國書使宋次建康希賢等借兵衛送伯顏曰方今兩軍相厄互有設險宜令人先往道意若便擁兵前進吾恐別生罅隙則和議之事必難成矣希賢等堅請乃聞

閱銳卒伍百界之至獨松關戍關者宋浙西安撫司
參議官張瀟也以為北兵叩關率眾掩擊殺忠範執
希賢希賢亦病割死世皇聞之大怒趣進攻嗟夫宋
之亡也非有桀紂之惡特以始之以拘留使者肇末
兵之興終之以誤殺使者激世皇之怒耳藉使獨松
之使不死宋之存亡未可知其亦有數也與

浙江潮

明年正月甲申丞相伯顏駐軍皋亭山宋奉表及國璽
以降遣千戶囊加歹等入城慰諭令居民閉首各貼
好投降拜二字及聞益王廣王如婺州即命分兵屯守

諸門范文虎安營浙江沙汭太皇太后望祝曰海若
有靈當使波濤大作一洗而空之潮汐三日不至軍
馬宴然文虎呂文煥皆安慶守臣降於我者

宋興亡

宋之興始於後周恭帝顯德七年恭帝方八歲及其亡
也終於少帝德祐元年少帝時四歲名顯而顯德二
字竟與得國時合周以王幼而失國宋亦以王幼而
失國周有太后在上宋亦有太后在上始終興亡之
數昭然如此

萬歲山

萬歲山在大內西北太液池之陽金人名環花島中統三年修繕之其山皆以玲瓏石疊壘峰巒隱映松檜隆鬱秀若天成引金水河至其後轉機運輦汲水至山頂出石龍口注方池伏流至仁智殿後有石刻蟠龍昂首噴水仰出然後東西流入于太液池山上有廣寒殿七間仁智殿則在山半為屋三間山前白玉石橋長二百尺直儀天殿後殿在太液池中圓坻上十一楹正對萬歲山山之東也為靈園奇獸珍禽在焉車駕歲巡上都先宴百官于此浙省參政赤德爾嘗云向任留守司都事時聞故老言國起起朔漠日

塞上有二山形執雄偉金人望氣者謂此山有王氣非我之利金人謀欲厭勝之許無所出時國已多事乃求通好人貢既而曰他無所冀願得某山以鎮壓我土耳眾皆鄙笑而許之金人乃大發卒鑿掘輦運至幽州城北積累成山因開挑海子栽植花木營構官殿以為遊幸之所未幾金亡世皇徙都之至元四年興築宮城山適在禁中遂賜今名云留守司在官城西南角樓之南專掌宮禁工役者

大軍渡河

世皇取江南大軍次黃河苦乏舟楫夜夢一老叟曰陛

下欲渡河當隨我來引至之所指曰此即是已帝遂以物標識之乃覺歷歷可記明日循行河許尋夢中所見處果是方驚顧間忽有人進曰此間水淺可渡時帝微夢中語因謂曰汝能先涉否其人乃行大軍自後從之無一不濟帝欲重旌其功對曰富與貴悉非所願但得自在足矣遂封為答刺罕與五品印撥三百戶以食之今其子孫尚有存者此事楊元誠太史瑀所云

檄

世皇下江南檄枚舉賈似道無君之罪宋國臣民其不

誠服者與其文曰宅中圖天天開一統之期自北而南雷動六師之衆先謂弔民而伐罪蓋將用夏而變夷欲制江浙以削平極汝海隅而混一堪嗟此宋信任非人處之師相之尊委以國柄之重世濟其惡真兇悖之賈充謀及廼心效茲雄之曹操不學無識舞術弄權誇許黃僅免其身比河清莫大之績承君之寵如彼之專貪天之功確乎不拔惜官爵以總寶貨苛條法以苦賢才奪土田而無地可耕變關會而物價溢湧藉鄙猥者伴食於廟堂任反側者失兵於邊徼恬視雷星之召異固聞水火之降災滿朝皆其私

不用將因其重賂用白劄而破世守之法曲丹筆而容天討之刑民心已離而不知天命將革而未悟方且資湖山之樂聚寶王之珍弗顧母死奪制以貪榮乃乘君寵立刃而固位以已峻功碩德而自比於周公欺人寡婦孤兒反不如於石勒深懷禍慝自肆奸邪合正兩觀之誅可紓百姓之怒我大元皇帝聰明智睿神武慈仁焚香祝天誓莫殺而混海宇振兵畧地隨所向而宣皇威一戰乘勝而渡江諸將列降而獻土厥角稽首迎我前茅後實先聲易如破竹昭天順人信之助成我風行草偃之功合宇宙以清寧蘇入

民而鎮撫恩寬幼主以下罪止元惡之身自今檄到應守令以境土投拜除太支犒賞外仍其官職謹檄

朝儀

大元受天命肇造區夏刻聖相承至于世皇至元初尚未遑興建宮闕凡遇稱賀則臣庶皆集帳前無有尊卑貴賤之辨執法官厭其喧雜揮杖擊逐之去而復來者數次翰林承旨王文忠公磐時兼太常卿慮將貽笑外國奏請立朝儀遂如其言

科舉

皇慶癸丑冬十一月詔曰其以皇慶二年八月天下郡

縣與其賢者能者充賦有司明年二月會試京師中
 選者朕將親策焉按遺山元公好問所撰廉訪使楊
 文憲公與墓碑云太宗即位之十年戊戌開舉選特
 詔宣德課稅使劉公用之試諸道進士公試東平兩
 中賦論第一奏授河南路徵收課稅所長官兼廉訪
 使則國朝科舉之設已肇於此寥寥七十餘年而普
 顏篤皇帝克不墜祖宗之令典尊號曰仁不亦宜乎
 初焉試論賦蓋反宋金餘習後則一以經學為本非
 復向時比矣

江南謠

汲郡王公玉堂嘉話云宋末下時江南謠云江南若破
 百鴈來過當時莫喻其意及宋亡蓋知指丞相伯顏
 也

白道子

太宗時諸國來朝者多以冒禁應死耶律文正王楚材
 進奏曰願無汗白道子從之蓋國俗尚白以白為吉
 故也

官不致仕

大德七年詔內外官年及七十並聽致仕時郭守敬字
 若思順德邢臺人知太史院事以舊臣且執朝廷所

施為獨不許其請至今翰林太史司天官不致仕者

咸自公始

答刺罕

答刺罕譯言一國之長得自由之意非勲戚不與焉太祖龍飛日朝廷草創官制簡古惟左右萬戶次及千戶而已丞相順德忠獻王哈刺哈孫之曾祖啓昔禮以英材見遇擢任千戶錫號答刺罕至元壬申世祖錄勲臣後拜王宿衛官襲號答刺罕

皇族列拜

已丑秋八月太宗即皇帝位耶律文正主時為中書令

定冊立儀禮皇族尊長皆令就班列拜尊長之有拜禮蓋自此始

內八府宰相

內八府宰相八員視二品秩而不降授宣命特中書照會之任而已寄位於翰林之埽隣埽隣宮門外院官會集處也所職視草制若詔赦之文則非其掌也至於院之公事亦不得與焉例以國戚與勲貴之子弟充之

云都赤

國朝有四怯薛太官怯薛者分宿衛供奉之士為四番

番三晝夜凡上之起居飲食諸服御之政令法薛之
 長皆總焉中有云都赤乃侍御之至親近者雖官隨
 朝諸司亦三日一次輪流入直負骨朵於肩佩環力
 於要或二人四人多至八人時恭上御控鶴則在輝
 陛之下蓋所以虞姦回也雖宰輔之日覲清光然有
 所奏請無云都赤在固不敢進今中書樞密各省或
 有須備錄奏文事者內必有云都赤某等以此之故
 余又究骨朵字義嘗記宋景文筆記云關中人以腹
 大為胛胛上音孤下音都俗音謂杖頭大者亦曰胛胛後譌
 為骨朵平聲

大漢

國朝鎮殿將軍募選身軀長大異常者充凡有所請給
 名曰大漢衣糧年過五十方許出官

貴由赤

貴由赤者快行是也每歲一試之名曰放走以脚力便
 捷者膺上賞故監臨之官齊其名數而約之以繩使
 無後先參差之爭然後去繩放行在太都則自河西
 務起程若上都則自泥河兒起程越三時走一百八
 十里直抵御前俯伏呼萬歲先至者賜銀一餅餘者
 賜段匹有差

昔寶赤

昔寶赤鷹房之執役者每歲以所養海有獲頭鷺者賞黃金一錠頭鷺天鷺也以首得之又重過三十餘斤且以進御膳故曰頭

輟耕錄卷第一

輟耕錄卷第二

聖聰

至元六年二月二十五日上御玉德殿命史臣榻前草詔黜謫太師伯顏詔文有云其各領所部詔書到日悉還本衛上曰自蚤至暮皆一日也可改曰字作時字時伯顏以飛放為名挾持皇太子在柳林意將犯分詔既成遣中書平章只理瓦剌齎至彼處開讀奉皇太子歸國而各枝軍馬即時散去盖一字之中利害繫焉聖聰明作元后於此有以見之矣隆師重道

文定王沙刺班今上之師也為學士時嘗在上左右下
日體少倦遂於便殿之側偃臥因而就寐上因以籍
坐方褥國語所謂朵兒別真者親扶其首而枕之後
嘗患廊額上上於金鉢中取佛手膏躬與貼之上之
隆師重道可謂至矣盡矣王字敬臣號山齋長吾人
受佛戒

累朝皇帝先受佛戒九次方正太寶而近侍陪位者必
九人或七人譯語謂之煖答世此國俗然也今上之
初入戒壇時見馬哈刺佛前有物為供因問學士沙
刺班曰此何物曰羊心上曰曾聞用人心肝者有諸

曰嘗聞之而未嘗目睹請問刺馬刺馬者帝師也上
遂命沙刺班傳旨問之答曰有之凡人萌歹心害人
者事覺則以其心肝作供耳以此言復奏上再命問
曰此羊曾害人乎帝師無答

減御膳

國朝日進御膳例用五羊而上自即位以來日減一羊
以歲計之為數多矣

聖儉

太府少監呵魯奏取黃金三兩為御鞞刺花用上曰不
可因請易以銀而鍍金者上曰亦不可金銀首飾也

今民間所用何物對曰用銅上曰可右五事楊太史
瑪所言太史居官時日侍上故知其詳

后德

今上皇太子之正位東官也設諭德置端本堂以處太
子講讀忽一日帝師來啓太子母后曰何者太子學
佛法頓覺開悟今迺使習孔子之教恐壞太子真性
后曰我雖居於深宮不明道德嘗聞自古及今治天
下者須用孔子之道捨此他求即為異端佛法雖好
乃餘事耳不可以治天下安可使太子不讀書帝師
赧服而退

端本堂

皇太子方在端本堂讀書近侍之嘗以飛放從者輒臂
鷹至廊廡間喧呼馳逐以惑亂之將勾引出游為樂
太子授業畢徐令左右戒之曰此讀書之所先生長
者在前汝輩安敢褻狎如此急引去毋習責也衆皆
驚懼而退右一事乃貢尚書鮑泰授經宣文閣下日
所自見者至正丙申間避地雲間每談朝廷典故因
及此

徵聘

中書左丞魏國文正公魯齋許先生衡中統元年應召

赴都日道諫文靖公靜修劉先生因謂曰公一聘而起毋乃太速乎荅曰不如此則道不行至元二十年徵劉先生至以為贊善大夫未幾辭去又召為集賢學士復以疾辭或問之乃曰不如此則道不尊

治天下匠

中書令耶律文正王楚材字晉卿在空為燕京行省員外郎國亡歸于我朝從太祖征伐諸國夏人常公斤者以治弓見知於上詔王曰本朝尚武而明公欲以文進不已左乎王曰且治弓尚須弓匠豈治天下不用治天下匠耶上聞之喜自是用王益密

以官為氏

中書平章政事廉希憲字善甫封恒陽王謚文正本畏吾氏王之父諱布魯凱為回鶻王歸朝官至順德諸路宣慰使封魏國公謚孝懿拜廉訪使之今時適王生顧曰是兒必大吾門吾聞古者以官受氏天將以廉氏吾宗乎吾其從之舉族承命

受孔子戒

世祖一日命廉文正王受戒於國師王對曰臣已受孔子戒上曰汝孔子亦有戒邪對曰為臣當忠為子當孝孔門之戒如是而已上喜

不食死

謝君直先生栢得號疊山信州弋陽人宋景定甲子江東漕闖校文發策問權姦誤國趙氏必亡許賈似道貶興國軍三年遇赦得還天兵南下郡城潰棄家不聞至元二十三年御史程文海承旨留夢炎等交薦累召不赴二十六年春正月福建得省參知政事魏天祐復被詔旨集守令成將迫處上道臨行以詩別常所徃來者曰雪中松柏愈青青扶植綱常在此行天下豈無龔勝潔人間不獨伯夷清義高便覺生堪捨禮重方知死甚輕南八男兒終不屈皇天上帝眼

分明夏四月至京師不食死年六十有四秋八月子定之奉柩歸葬門人誄而題之曰文節先生謝公墓嗟乎伯夷叔齊在周雖為頑民而在商則為義士孰謂數千載後有商義士之風者復見先生哉

染髭

中書丞相史忠武王天澤髭鬚已白一朝忽盡黑世皇見之驚問曰史拔都汝之髭何乃更黑邪對曰臣用藥染之故也上曰染之欲何如曰臣瞻鏡見髭鬚白竊傷年且暮盡忠於陛下之日短矣因染之使玄而報效之心不異疇昔耳上大喜人皆以王捷於秦對

推此一事則餘可知矣漢人賜名拔都者惟王與太師張獻武主弘範及真定新軍張萬戶興祖耳

殺虎張

真定新軍張萬戶興祖中山無極人至元十九年丞相

楚國文定公阿罕海淮以中書右丞南取漢郢公實

從有功授前職平生射虎數十一曰遇虎一發而踣

語人曰吾聞生虎之鬣剔齒疾可巴風因按之虎怒

爪躡裂賴其氣息垂盡不能傷足由是人目之曰殺

虎張後以國言賜名拔突拔突即拔都都與突字雖

異而聲相近蓋譯語無正音故也

御史舉薦

姚文公先生砥為中臺監察御史時忽御史大夫謂曰

我天子以汝賢故擢居耳自之官今且歲餘至如興

利除害之事未嘗有片言及之但惟以薦舉為務何

邪先生荅曰某所薦者百有餘人皆經世之才其在

中外並能上裨聖治則某之報効亦勤矣又何待屑

屑於舉利除害然後為監察御史之職任乎大夫曰

真宰相器也曷賞久之

切諫

太宗素嗜酒晚年尤甚日與大臣酣飲耶律文正王數

言之不聽一日持酒槽之金口以進曰此乃鐵耳為酒所蝕尚致如此況人之五臟有不損耶上說賜以金帛仍勅左右日惟進酒三鍾而止夫以王之切諫不已而上終納之可謂君明臣良者矣

丁祭

內翰王文康公鶚字百一開州東明人國初自保定應聘北行時故人馬雲漢以宣聖畫像為贈既達北庭值秋十公奏行釋奠禮世祖說即命舉其事公為祝文行三獻禮禮畢進胙於上上既飲福熟其胙命左右均霑所賜自是春秋二仲歲以為常蓋上之所以

尊師重道者實公有以啓之也

高學士

國朝儒者自戊戌選試後所在不務存恤往往混為編氓至於奉一札十行之書崇學校獎秀藝正戶籍免徭役皆翰林學士高公智耀奏陳之力也公河西人今學校中往往有祠之者

大黃愈疾

丙戌冬十一月耶律文正王從太祖下靈武諸將爭掠子女玉帛王獨取書籍數部大黃兩駝而已既而軍中病疫惟得大黃可愈所活幾萬人吁廉而不貪此

固清慎者能之若其先見之明則有非人之所可及者

置憲

御史臺至元五年置秩從二品二十一年陞正二品大德十一年陞從一品臺有大夫一人後增一人中丞二人後又增二人隨復故侍御史二人治書侍御史二人殿中侍御史二人治朝著之事典事二人掌禡府文書之事後改為都事三人後又以都事之長蒙古若色真一人為經歷檢法二人後廢管勾三人其人兼照磨監察御史十二人後增至十六人皆漢

人又增蒙古色目人如漢人之數今三十二人至元十四年既取宋置南行臺二十七年專蒞江南之地號江南諸道行御史臺秩如內臺而監察御史今二十四人西行臺初由雲南廉訪官陞行臺太德元年移治陝西號陝西諸道行御史臺蒞陝西甘肅四川雲南之地延祐間暫廢隨復其官秩如南臺而監察御史今二十人各道提刑按察司至元六年置正三品有使副使各事察判經歷并事二十八年改諸政廉訪司使副使僉事各二人太司農奏罷各道勸農司以農事歸憲司增僉事二人經歷知事照磨各一

人今天下凡二十二道始建臺時大夫則塔察兒也

內御史署銜

內監察御史署銜無御史臺二字以為天子耳目之官非御史大夫以下所制也衍臺則不然

令史

國朝凡省臺院吏曰掾史獨江南行臺作令史者蓋緣至元十四年初立行臺曰御史大夫授三品秩故也後雖陞二品而樂因循者不為申明改正西臺立視南臺已陞品秩則曰掾史焉

臺字

二臺凡公文所書臺字並從士從口不敢作其字頭若然則偽文也按許氏說文臺從至從之從高省則土乃之之正書耳當從土從口為是

詔西番

累朝皇帝於踐祚之始必布告天下使咸知之惟詔西番者以粉書詔文於青緞而繡以白絨網以真珠至御寶處則用珊瑚遣使齎至彼國張于帝師所居處

五刑

國初立法以來有笞杖徒流死之制凡七下至五十七下用笞六十七下至一百七十用杖徒之法徒一年

杖六十七一年半杖七十七二年杖八十七二年半杖九十七三年杖一百七此驅徙者杖數也鹽徒既決而又錄之使居役也數用七者建元以前皆已成數今匿稅者答五十犯私鹽茶者杖七十私宰馬牛者杖一百舊法猶有存者大德中刑部尚書王約數上言國朝用刑寬恕答杖十減其三故答一十減為七今之杖一百者宜止九十七不當反加十也議者憚於變更其事遂寢流則南之遷者之北北之遷者之南死則有斬有凌遲而無絞

錢幣

世皇嘗以錢幣問太保劉文貞公秉志公曰錢用於陽楮用於陰華夏陽明之區沙漠幽陰之域今陛下龍興朔漠君臨中夏宜用楮幣俾子孫世守之若用錢四海且將不靖遂絕不用錢迨武宗頗用之不父輒罷此雖術數讖緯之學然驗之於今果如所言

巴而思

河南江北行中書省參知政事姚忠肅公天福字君祥平陽人至元十一年拜監察御史彈擊權臣無所顧畏世祖賜名巴而思國言虎也後條奏宰相阿合馬罪二十有四召廷辯公救數之彼輒引服數至於三

轉明錄
氣沮色喪上曰此三者罪已不在宥因目公曰巴而思臣下有違太祖之制干朕之紀者汝抨擊毋隱廷臣皆震悚時方倚相理財姑釋不問衆人莫不爲公危之公之太夫人有賢識勗之曰爲國者忘其家汝第盡力效忠果不測吾追蹤陵母死日猶生年也公泣謝曰其長曰萬一得譴乞不以老母連坐語聞上嘆曰是母子有古義列勅待臣符寶郎董文忠宣付更館書之

善諫

至元二十四年桑哥之爲尚書丞相也專權擅政虐談

薰天賄賂公行畧無畏避中書平章武寧正獻王徹時爲利用監獨奮然數其姦賊於上前上怒以爲醜詆大臣命左右批其頰王辨不爲止且曰臣思之熟矣國家置臣子猶人家畜犬譬有賊至而犬吠主人初不見賊乃善犬犬遂不吠豈良犬哉上悟收桑哥籍其家明白王拜御史中丞余按北史宋游道傳畢義雲奏劾游道楊遵彥曰譬之畜狗本取其吠今以數吠殺之恐將來無復吠犬詔除名則王之以吠自況爲有所本矣

使交趾

翰林學士元文敏公

明善

字復初清河人參議中書曰

會朝廷遣蒙古大臣一員使交趾公副之將還國之
偽主賚以金蒙古受之公固辭偽主曰彼使臣已受
矣公獨何為公曰彼所以受者安尔國之心我所以
不受者全天國之體偽主歎服

刻名印

今蒙古色目人之為官者多不能執筆花押創以象牙
或木刻面印之宰輔及近侍官至一品者得旨則用
玉圖書押字非特賜不敢用按周廣順二年平章李
穀以病臂辭位詔令刻名印用據此則押字用印之

始也

國璽

文宗開奎章閣作二璽一曰天曆之寶二曰奎章閣寶
命臣虞集篆文今上作二小璽一曰明仁殿寶一曰
洪禧命臣楊瑀篆文洪禧璞純白而龜紐墨色
宣文閣

天曆初建奎章閣于西宮興聖殿之西廊為屋三間高
明敞葵南間以藏物中間諸官入直所北間南嚮設
御座左右列珍玩命群玉內司掌之閣官署銜初名
奎章閣階正三品隸東官屬官後文宗復位乃陞為

奎章閣學士院階正一品置大學士五員並知經筵
 事侍書學士二員承制學士二員供奉學士二員並
 兼經筵官幕職置叅書二員典籤二員並兼經筵叅
 贊官照磨一員內祿四名內二名兼檢討宣使四名
 知印二名譯史二名典書四名屬官則有群玉內司
 階正三品置監群玉內司一員司尉一員亞尉二員
 僉司二員典簿一員令史二名典史二名司鑰二名
 司膳四名給使八名專掌秘玩古物藝文監階正三
 品置大監兼檢校書籍事二員少監同檢校書籍事
 二員監丞叅檢校書籍事二員或有兼經筵官者與

簿一員照磨一員令史四名典史二名專掌書籍鑿
 書博士司階正五品置博士兼經筵叅贊官二員書
 吏一名專上鑿辨書畫授經郎階正七品置授經郎
 兼經筵譯文官二員專上訓教怯薛官大臣子孫藝
 林庫皆從六品置提典一員六使一員副使一員司
 吏二名庫子一名專上收貯書籍廣成局階從七品
 置大使一員副使一員直長二員司吏二名專上印
 行祖宗聖訓及國制等書特恩剗製象齒小牌五十
 上書奎章閣三字一面篆字一面蒙古字與畏吾兒
 字分背各官懸佩出入官門無禁學士院凡與諸司

往復惟劄送參書廳行移而已命侍讀學士虞集撰
記御書刻石閣中今上皇帝改奎章曰宣文其記曰
大統既正海內定一乃稽古右文崇德樂道以天曆
二年三月作奎章之閣備燕閒之居將以淵潛遐思
緝熙典學乃置學士員俾頌乎祖宗之成訓毋忘乎
創業之艱難而守成之下息也又俾陳夫內聖外王
之道興亡得失之故而以自儆焉其為閣也因便殿
之西廡釋高明而有容不加飾乎采斲不重勞於士
木不過啓乎牖以順清燠樹度閣以棲圖書而已至
於器玩之陳非古制作定法度者不得在列其為處

也跬步戶庭之間而清嚴邃密非有朝會祠享時巡
之事幾無一日而不御於斯於是宰輔有所奏請宥
密有所圖固爭臣有所繩糾侍從有所獻替以次入
對從容密勿蓋終日焉而聲色狗馬不軌不物者無
因而至前矣自古聖明睿知善於怡心養神培本浚
源泛應萬變而不窮者未有易乎此者也蓋聞天有
恒運日月之行不息矣地有恒勢水工之載不匱矣
人君有恒居則天地民物有所係屬而不易矣居是
閣也靜焉而天為一動焉而天弗違庶乎有道之福
以保我子孫黎民於無窮哉至順辛未孟春二日記

占驗

傅初菴先生立以占筮起東南時杭州初內附世皇以故都之地生聚浩繁費力殷盛得無有再興者命曰其將來如何對既成對曰其地六七十年後會見城市生荆棘不如今多也今杭連厄於火自至正壬辰以來又數燬於兵昔時歌舞之地悉為草莽之墟軍旅填門畜豕戴道乃知立之占亦神矣立乃番禺祝卜泌甥泌精皇極數

權臣擅政

中書右丞相伯顏所署官銜計二百四十六字曰元德

上輔廣忠宣義正節振武佐運功臣太師開府儀同三司秦王答剌罕中書右丞相上柱國錄軍國重事監脩國史兼徽政院侍正昭功萬戶府都總使虎符威武阿速衛親軍都指揮使司達魯花赤忠翊衛親軍都指揮使奎章閣大學士領學士院知經筵事太史院宣政院事也可千戶哈必陳千戶達魯花赤宣忠幹羅思扈衛親軍都指揮使司達魯花赤提調回回漢人司天監群牧監廣惠司內史府左都威衛使司事欽察親軍都指揮使司事官相都總管府領太禧宗禋院兼都典制神御殿事申政院事宣鎮

衛親軍都指揮使司達魯花赤提調宗人蒙古侍衛
親軍都指揮使司事提調哈刺赤也不干察兒領隆
祥使司事當其擅政之日前後左右無非陰邪小輩
惟恐獻諂進佞之不至孰能告以忠君愛民之事有
一王爵者譯奏云薛禪二字人皆可以爲名自世祖
皇帝廟號之後遂不敢用今太師伯顏功高德重可
以薛禪名字與之時御史大夫帖木兒不花亦其心
腹每陰嗾省臣奏乞其請文定主沙刺班時爲學士
從容言於上曰萬一出從所請關係非輕遂命學士
歐陽玄監丞揭傒斯會議以元德上輔四字代之加

於功臣之上又典端院都事某建言凡省官提調軍
馬者必佩虎符今太師伯顏難與他人同宜錫龍鳳
牌以寵異之制可遂製龍鳳牌一面其三珠各函徑
寸真珠一枚而飾以紅刺鴉忽寶石牌身脫銀元德
上輔功臣號字仍用白玉嵌造牌成計直數萬錠既
被貶黜毀其牌就以珠寶給還物主蓋督勒有司和
買元價尚未酬也又京畿都運納速刺上言太師伯
顏功勳蓋世所授宣命難與百官一體合用泥金
書詞以尊榮之省臺院官議不可行宛轉稟白止金
書上天眷命皇帝聖旨八字餘仍墨筆云

懷孟蛙

大德間仁宗在潛邸日奉答吉太后駐輦懷孟特苦群
 蠅亂喧終夕無寐翼日太后命近侍傳旨諭之曰吾
 母子方憤憤蠅忍惱人耶自後其母再鳴故至今此
 地雖有蠶而不作聲後仁宗入京誅安西王阿難答
 等迎武宗即位時大德十年也越四年而仁宗繼
 登太寶則知元后者天命攸歸豈行在之所雖未踐
 祚而山川鬼神以陰來相之不然則蟲魚微物耳又
 能聽令者乎但迄今不鳴尤可異矣

賊臣攝祭

至治癸亥十月六日甲子先一夕因晉邸入繼大統告
 祭太廟之頃陰風北來殿上燈燭皆滅良久方息蓋
 攝祭官鈇失也先帖木兒赤片帖木兒等皆弒君之
 元惡也時全忠誠以國子生充齋郎目擊之此無他
 必祖宗威靈在上不使姦臣賊子得以有事于太廟
 而明示嚴譴之耳彼徒罪無所逃至於身誅族赤而
 後已吁可畏哉

叛黨告遷地

至元二十四年宗主乃顏叛後伏誅徙其餘黨于慶元
 之定海縣延祐間倚納脫脫公來為浙相其黨屢以

水土不便為訴乞遷善地公曰汝輩自尋一箇不志
人的田地當為汝遷之衆遂不敢再言

土人作掾

至元間別兒怯不花公為江浙丞相議以本省所轄土
人不得為掾史時左丞佛住公謂曰若然則中書掾
當用外國人為之矣相有赧色議遂不行

蕭先生

蕭貞敏公諱字維斗京兆人蚤歲吏于府一日呈牘尹
前尹偶墜筆目公拾之公陽為不解而止白所議公
事如此者三公曰某所言者王事也拾筆責在阜隸

非吏所任尹怒公即辭退隱居十五年惟以讀書為
志從公游者屢交戶外平章咸寧王野仙聞其賢薦
之於世祖徵不至授陝西儒學提舉繼而成宗武宗
仁宗累徵授國子司業集賢直學士未赴改集賢侍
講又以太子右諭德徵始至京師授集賢學士國子
祭酒尋復得告還山年七十七以壽終謚貞敏

端厚

文貞王阿憐帖木兒嘗言婁師德唾面自乾以為美事我思
之雖狗亦不可惡他且如有一狗自臥於地無故以
足蹴之或擲以物狗固不便咬人亦吠數聲而去却

有甚好聽處

馬字

馬即卷字真誥中謂一馬或以為弔字及篇字者皆非

輟耕錄卷第二

次公明編製對馬十五平對以屬書



